

SHARTNOMA № 489-2

Mirobod tuman maktabgacha ta'lim bolimi nomidan Ustav asosida ish yurituvchi mudir R.Z.Aydinov bundan keyin "Buyurtmachi" deb yuritiladi, bir tomondan va "PRESTIJ HAYOT" MCHJ nomidan Nizom asosida faoliyat olib boruvchi direktor Z.Z.Nuritdinov, bundan keyin "Pudratchi" deb yuritiladi, bundan keyin birgalikda "Tomonlar" deb yuritiladi, ushbu shartnomani quyidagicha haqida tuzdilar:

I. SHARTNOMA PREDMETI

1.1. "Buyurtmachi" ko'rsatma beradi va "Pudratchi" quyidagi ishlarni bajarish majburiyatini oladi:
Toshkent shahar Mirobod tumanidagi 489-sonli DMTTning yozgi bolalar maydonchasini joriy ta'mirlash ishlarini (keyingi o'rinlarda ishlar deb yuritiladi) bajaradi.

II. ISHLARNING NARXI VA TO'LOV TARTIBI

2.1. Shartnomaning umumiy summasi: 983 657 338 (To'qqiz yuz sakson uch million olti yuz ellik etti ming uch yuz o'ttiz sakkiz) so'mni QQS bilan tashkil etadi va ushbu shartnoma uchun loyiha-smeta hujjatlari bilan belgilanadi.

2.2. Mazkur shartnoma tomonlar tarafidan imzolanib, Moliya vazirligi G'aznachilik bo'linmasidan ro'yhatdan o'tgan kundan boshlab 10 (o'n) kun ichida Buyurtmachi Pudratchiga joriy narxlarda ishlash uchun mazkur shartnomaning umumiy summasining 30% miqdorida avans to'laydi va ushbu avans 295 097 201 (Ikki yuz to'qson besh million to'qson etti ming ikki yuz bir) so'mni tashkil etadi.

2.3. Bajarilgan ishlar uchun qolgan 70% miqdoridagi to'lovlar Pudratchi tomonidan mazkur shartnomaning 1.1. bandiga muvofiq ishlar to'liq tugatilganidan keyin va tomonlar tarafidan bajarilgan ishlar akti imzolaganidan keyin to'lanadi.

2.4. Oldindan to'lov (avans) Pudratchining hisobvarag'iga o'tkazilganidan so'ng, shartnomaning umumiy summasi va bajarilgan ishlarning qiymati shartnoma to'liq bajarilgunga qadar o'zgarishsiz qoladi.

2.5. Shartnomaning qiymati tasdiqlovchi hujjatlar va hisob-kitoblarni taqdim etgan holda xarajatlar o'zgarishiga qarab o'zgartirilishi mumkin.

2.6. Eng kam oylik ish haqi miqdorini o'zgartirishda, mashina va mexanizmlarni ishlatish narxini o'zgartirishda, transport xarajatlarini o'zgartirishda, elektr va issiqlik energiyasiga tariflarni o'zgartirishda amaldagi normativ-huquqiy hujjatlarga muvofiq shartnoma qiymati mutanosib ravishda o'zgartirilishi mumkin.

III. ISHLARNI TOPSHIRISH VA QABUL QILISH TARTIBI

3.1. Ishlarni bajarish muddati "Pudratchi" hisobvarag'iga oldindan to'lov summasi (avans) kelib tushgan kundan boshlab 60 (oltmish) kunni tashkil etadi.

3.2. Ish tugagandan so'ng "Pudratchi" 5 (besh) kun ichida "Buyurtmachi"ga ishni topshirish va qabul qilish dalolatnomasini taqdim etadi.

3.3. "Buyurtmachi" dalolatnomani olgan kundan boshlab 5 (besh) kun ichida dalolatnomani imzolashi yoki ishni qabul qilishning asoslantirilgan rad etishini yuborishi shart.

3.4. Asosan rad etilgan taqdirda, Tomonlar "Pudratchi" hisobidan amalga oshiriladigan zaruriy takomillashtirishlar ro'yxati bilan ikki tomonlama dalolatnoma tuzadilar.

IV. ISH SIFATI

4.1. "Pudratchi" tomonidan bajariladigan ishlarning sifati O'zbekiston Respublikasining amaldagi qonun hujjatlariga muvofiq tegishli texnik talablar va standartlarga javob berishi kerak.

4.2. "Pudratchi" tomonidan bajariladigan ishlarning (muhandislik tizimlari, asbob-uskunalar, materiallar) kafolatli muddati ishlar tugallangan obyektga qabul qilib olish to'g'risidagi dalolatnomani imzolagan kundan boshlab 12 (o'n ikki) oy etib belgilanadi.

V. TOMONLARNING JAVOBGARLIGI

5.1. Ushbu shartnoma bo'yicha majburiyatlar bajarilmagan taqdirda aybdor taraf O'zbekiston

Respublikasi Fuqarolik kodeksi va 1998-yil 28-avgustdagi "Xo'jalik yurituvchi sub'ektlar faoliyatining shartnomaviy-huquqiy bazasi to'g'risida"gi 670-I-sonli qonun hujjatlariga muvofiq javobgar bo'ladi.

VI. BOSHQA SHARTLAR

- 6.1. "Pudratchi" loyiha-smeta hujjatlari asosida ishlarni amalga oshiradi.
- 6.2. Buyurtmachi mazkur shartnomaning II-bo'limiga muvofiq to'lovlarni amalga oshiradi.
- 6.2. Barcha qo'shimchalar, o'zgartirishlar va qo'shimchalar ushbu Shartnomaning ajralmas qismi hisoblanadi va Tomonlar tomonidan imzolangan taqdirda amal qiladi.
- 6.3. Buyurtmachi Pudratchining faoliyatiga aralashmagan holda istalgan vaqtda ishning borishini va sifatini tekshirishga haqli.

VII. SHARTNOMANI BEKOR QILISH

- 7.1. Buyurtmachi:
 - shartnoma kuchga kirgandan keyin qurilishning boshlanishi Buyurtmachiga bog'liq bo'lmagan sabablarga ko'ra Pudratchi tomonidan bir oydan ko'p vaqtga kechiktirilganda;
 - ishlarni tugallashning mazkur shartnomada belgilangan muddati Pudratchining aybi bilan bir oydan ortiq muddatga kechiktirilgan holda,
 - pudratchi tomonidan shartnoma shartlari qurilish meyorlari va qoidalari nazarda tutilgan ishlarning sifati pasayishiga olib keladigan darajada buzilganda;
 - qonun hujjatlariga muvofiq boshqa asoslar bo'yicha shartnomaning bekor qilinishini talab qilish huquqiga ega.
- 7.2. Pudratchi:
 - ishlarning bajarilishi Pudratchiga bog'liq bo'lmagan sabablarga ko'ra Buyurtmachi tomonidan bir oydan ortiq muddatga to'xtatib qo'yilganda;
 - buyurtmachi tomonidan moliyalashtirish shartlari bajarilmaganda;
 - qonun hujjatlariga muvofiq boshqa asoslar bo'yicha shartnomaning bekor qilinishini talab qilish huquqiga ega.
- 7.3. Shartnoma bekor qilinganda Buyurtmachi va Pudratchining qo'shma qaroriga ko'ra tugallanmagan qurilish obyekti bir oy muddatda Buyurtmachiga topshiriladi, Buyurtmachi bajarilgan ishlar qiymatini Pudratchiga to'laydi.
- 7.4. Mazkur shartnomani bekor qilishga qaror qilgan Tomon mazkur bo'lim qoidasiga muvofiq ikkinchi Tomonga yozma bildirishnoma yuboradi.
- 7.5. Shartnoma bekor qilingan taqdirda aybdor tomon ikkinchi tomonga yetkazilgan zararni, shu jumladan boy berilgan foydani to'laydi.
- 7.6. Shartnomaning bir tomonlama bekor qilinishiga yo'l qo'yilmaydi, qonun hujjatlarida yoki mazkur shartnomada nazarda tutilgan hollar bundan mustasno.

VIII. FAVQULODDA HOLATLAR (FORS MAJOR)

- 8.1. Urush, qo'zg'olon, sabotaj, ish tashlashlar, tabiiy ofatlar kabi fors-major holatlari yuzaga kelganda tomonlarning hech biri javobgar bo'lmaydi.
- 8.2. Agar ushbu shartnoma bo'yicha majburiyatlar qisman yoki to'liqbajarilmasligi tabiat hodisalari va boshqa yengib bo'lmaydigan kuch holatlari natijasida kelib chiqsa va agar bu holatlar mazkur shartnomaning bajarilishiga bevosita ta'sir etsa, tomonlar bunday qisman yoki to'liq bajarmaslik uchun javobgarlikdan ozod etiladilar.
- 8.3. Mazkur shartnoma bo'yicha majburiyatlarni bajarish muddati yengib bo'lmaydigan kuch holatlari amal qilgan, shuningdek ushbu holatlar yuzaga keltirgan vaqtda mutanosib ravishda uzaytiriladi.
- 8.4. Agar yengib bo'lmaydigan kuch holatlari yoki ularning oqibatlari bir oyda ko'p vaqtda cho'zilsa, u holda Pudratchi va Buyurtmachi ishlarni davom ettirish yoki ularni konservatsiya qilish uchun qanday choralar ko'rilishini muhokama qiladilar.
- 8.5. Agar tomonlar ikki oy ichida kelisha olmasalar, u holda tomonlarning har biri shartnoma bekor qilinishini talab qilishga haqlidir.
- 8.6. Fors-major holatlari yuzaga kelganligi va ularning amal qilish muddati vakolatli organlar tomonidan berilgan guvohnomalardir.

IX. NIZOLARNI HAL QILISH TARTIBI

9.1. Tomonlar yuzaga kelgan ziddiyatli vaziyatlarni muzokaralar yo'li bilan hal qilish uchun barcha choralarni ko'radilar. Agar kelishuvga erishishning iloji bo'lmasa, kelishmovchiliklar Toshkent tumanlararo iqtisodiy sudiga ko'rib chiqish uchun kiritiladi.

9.2. Toshkent tumanlararo iqtisodiy sudining qarori har bir Tomon uchun yakuniy majburiyat hisoblanadi.

X. KORRUPSIYAGA KARSHI KURASHISH BO'YICHA ASOSIY SHARTLAR

10.1. Taraflar shartnoma bo'yicha o'z majburiyatlarini bajarayotganda O'zbekiston Respublikasining korrupsiyaga qarshi kurashish to'g'risidagi qonun hujjatlarining talablariga zid keladigan har qanday harakatlarni amalga oshirmaydilar. Shu jumladan, pora berishni taklif qilmaydi, va'da bermaydi, tovlamachilik qilmaydi, pora sifatida pul to'lamaydi, bevosita yoki bilvosita-pora olishga rozilik bermaydi yoki pora, ya'ni Mirobod tuman Maktabgacha ta'lim bo'limi xodimi o'z xizmat majburiyatlaridan foydalangan holda pora bergan shaxsning manfaatlarini ko'zlab muayyan harakatlarni sodir etishi yoki sodir etmasligi shartligi yoki mumkinligi uchun moddiy qimmatliklarni yoki mulkiy naf olmaydi. Tomonlar ushbu harakatlarga yo'l qo'ymaslik bo'yicha choralar ko'rilishiga kafolat beradi.

XI. YAKUNIY QOIDALAR

11.1. Mazkur shartnoma tomonlar tarafidan imzolaniib, O'zbekiston Respublikasi Moliya vazirligi G'aznachiligi bo'linmasi tomonidan ro'yxatga olingan kundan boshlab kuchga kiradi va 2022-yil 31-dekabrgacha amal qiladi.

11.2. Mazkur shartnoma bir xil yuridik kuchga ega bo'lgan 2 (ikki) nusxada tuziladi va tomonlarga saqlash uchun bir nusxadan beriladi.

11.3. Mazkur shartnomada nazarda tutilmagan boshqa barcha hollar uchun amaldagi qonun hujjatlari normalari qo'llaniladi.

XII. TOMONLARNING MANZILLARI

"PUDRATCHI"

"PRESTIJ HAYOT" MCHJ
Toshkent sh., ESKI OTCHOPAR K., 97
Tel. +99894-402-97-89
r/s : 2020 8000 4043 8275 9001
AKIB "IPOTEKA" bankning Shayxontoxur filiali.
MFO № 00425
STIR No 205 423 002
OKED 43340 ga muvofiq kod

Direktor _____



R. Z. Nurdinov

"BUYURTMACHI"

Mirobod tumani MTB
Sarakul 24 ko'chasi 8 uy
Tel: 291-67-29
r/s: 401722860262737091100251010
XKKM Markaziy bank bosh boshqarma
MFO № 00014
INN 201122919
I/s:23402000300100001010

Mudir _____

R. Z. Aydinov

	Hujjat elektron raqamli imzo orqali imzolangan. Elektron raqamli imzoning haqiqiyligini tekshirish uchun QR Code ni skanerlang.	
	Imzolovchi F.I.SH.	RUSTAMJON AYDINOV ZAYNIDDINOVICH
	Imzolangan sana	18.11.2022 15:59
	Hujjat kodi	NP7122433577
	Hulosa kodi	CH5768360030



O'ZBEKISTON RESPUBLIKASI ADLIYA VAZIRLIGI

TOSHKENT SHAHAR ADLIYA BOSHQARMASI

MIROBOD TUMAN ADLIYA BO'LIMI

YURIDIK XIZMAT KO'RSATISH MARKAZI

100072, Toshkent shahar, Mirobod tumani, A.Fitrat ko'chasi, 40 A-uy

el. pochta: mirobod.t-yurmarkaz@adliya.uz

YURIDIK AHAMIYATGA EGA HUJJATLARNING QONUN HUJJATLARIGA MUVOFIQLIGI TO'G'RISIDA HUQUQIY

XULOSA

CH5768360030

1. Loyihaning turi : Shartnoma
2. Loyihaning nomi: Mirobod tuman maktabgacha ta'lim bo'limi va "PRESTIJ HAYOT" MCHJ o'rtasida pudrat shartnoma loyihasi.
3. **Loyihaning qisqacha mazmuni**: Mirobod tuman maktabgacha ta'lim bo'limi va "PRESTIJ HAYOT" MCHJ o'rtasida Mirobod tumani 489-sonli DMTT yozgi bolalar maydonchasini joriy ta'mirlash ishlarini amalga oshirish to'g'risida pudrat shartnomasi loyihasi. "Davlat xaridlari to'g'risida" Qonuni bo'yicha eng yaxshi takliflarni tanlash tartib taomili bo'yicha amalga oshirilgan davlat xaridi. LOT raqami 175751. Shartnoma loyihasi qiymati 983 657 338 so'm.
4. Loyiha ishlab chiquvchisi va kiritilgan sana haqidagi ma'lumot: Mirobod tuman maktabgacha ta'lim bo'limi tomonidan 18.11.2022 yilda kiritilgan.

Loyiha amaldagi qonun hujjatlariga muvofiq ishlab chiqilgan va uni qabul qilish maqsadga muvofiq.

Mirobod tuman
yuridik markaz
bosh yuriskonsulti



SH.A.ABDUSATTOROV

18.11.2022



Mirobod tumani maktabgacha ta'lim bo'limi tasarrufidagi maktabgacha ta'lim tashkilotlarining ehtiyojlari uchun ishlar va xizmatlar, butlovchi buyumlar va asbob-uskunalar xarid qilish bo'yicha "Xarid komissiyasi" ning yig'ilishi

Bayoni № 489/2-2

2022 yil " 18 " noyabr

Toshkent shahri

KUN TARTIBI:

Mirobod tumani maktabgacha ta'lim bo'limi tasarrufidagi maktabgacha ta'lim muassasalarining ehtiyojlari uchun ishlar va xizmatlar, butlovchi buyumlar va asbob-uskunalar xarid qilish buyicha "Xarid komissiyasi" ning 2022 yil 17 oktyabrda 489/2-sonli bayoni asosida qabul qilingan qarorining ijrosi va ENG YAXSHI TAKLIFNI TANLASH g'olibini aniqlash to'g'risida,

(R.Z. Aydinov, Z.O. Tursunov, A.I. Kamalov, N.K. Turdieva, M.A. Gafurova, ...)

Kun tartibidagi masala yuzasidan Xarid komissiyasi raisi R. Aydinov so'zga chiqib, 15.11.2022 yilda 22110012175751-sonli LOT raqami bilan bo'lim tasarrufidagi 489-sonli DMTTning yozgi bolalar maydonchasini joriy ta'mirlash uchun <https://etender.uzex.uz> tizimiga e'lon berilganligini, kiritilgan takliflar O'RO-684-son qonun talablari asosida ko'rib chiqilganligini va eng yaxshi taklifni tanlash g'olibi bilan o'rnatilgan tartibda shartnoma rasmiylashtirilishi lozimligini takidlab o'tdi.

Bo'lim bosh buxalteri A. Kamalov mazkur LOT bo'yicha 2 ta taklif kelib tushganligini va ular quyidagi tadbirkorlar tomonidan kiritilganligini ta'kidlab o'tdi.

1. «PRESTIJ HAYOT» MCHJ
2. «GREAT PROGRESS TRADE» MCHJ

Komissiya a'zolari elektron tizimdagi shaxsiy kabineti orqali eng yaxshi taklifni tanlash ishtirokchilarining taqdim etgan hujjat va ma'lumotlarni ko'rib chiqib, ball tizimida baholaganligini tasdiqladi.

Xarid komissiyasi raisi R. Aydinov baholash natijalari bo'yicha 2022 yil 15 noyabr sanasida elektron tizimda 175751-sonli bayonoma rasmiylashtirilib muhokama qilish uchun ikki ish Kumiga joylashtirilganligini va tanlash ishtirokchilari tomonidan tanlash o'tkazish natijalari bo'yicha e'tirozlar kelib tushmaganligini ma'lum qildi.

Yuqoridagilardan kelib chiqib ishlar va xizmatlar, butlovchi buyumlar va asbob-uskunalar xarid qilish bo'yicha Xarid komissiyasi

QAROR QILADI:

1. «PRESTIJ HAYOT» MCHJ va maktabgacha ta'lim bo'limi o'rtasida 489-sonli DMTTning yozgi bolalar maydonchasini joriy ta'mirlash bo'yicha eng yaxshi taklifni tanlash g'olibi deb topilsin;

2. «PRESTIJ HAYOT» MCHJ va maktabgacha ta'lim bo'limi o'rtasida 489-sonli DMTTning yozgi bolalar maydonchasini joriy ta'mirlash bo'yicha shartnoma rasmiylashtirilib, g'aznachilik bo'limmasidan ro'yxatdan o'tkazilsin;

3. Mazkur bayonoma ijrosini nazorat qilishni o'z zimmasida qoldiraman.

KOMISSIYA RAISI:
Bo'lim mudiri

R.Z. Aydinov

KOMISSIYA A'ZOLARI:

Toshkent shahar hokimining ishlab chiqarishni mahalliy lashtirish va sanoatda kooperatsiya aloqalarini kengaytirish masalalari bo'yicha yordamchisi

Z.O. Tursunov

Bosh hisobchi

A.I. Kamalov

Maxsus ta'mirlash-ekspluatatsiya xizmati boshlig'i

M.A. Gafurova

34-sonli maktabgacha ta'lim tashkiloti direktori

N.K. Turdieva